

CONCLVSIONES  
EX SECVNDA  
THEOLOGICÆ PARTE

*QVAS PVBLICÆ DISPVTTATIONI ESPONIT*

AC REVERENDISSIMIS PP.

D. ALOYSIO

A P A D V A

E T

D. ANGELO

A CIVITELLA

CONGREGATIONIS CASINENSIS  
*VISITATORIBVS VIGILANTISSIMIS*

D. ANGELVS MARIA

A VENETIIS


EIVSDEM CONGREGATIONIS MONACHVS ET  
ABBATIE FLORENTINÆ ALVMNVS

D. D. D.

FLORENTIÆ MDCCI.



Apud Cæsarem, de Bindis. Sub Signo S. Bernardi.  
*SVPERIORVM PERMISSV.*





# REVERENDISSIMI P A T R E S



*P*tolemaeum Mathematicis delineationibus addi-  
ditum, Physicam, ac Theologiam, contemptui  
duxisse accepimus: quod illa ob inconstantem,  
perpetuamque fluentem materiam, capi, ac veluti  
manuteneri minime possit: hac vero praenimia di-  
vinarum rerum excellentia ab humana imbecil-  
litate deprehendi non valeat. Vtramque hanc faculta-  
tem vos etiam Meritissimi Praefules, quamvis dispari ra-  
tione, arbitror improbare. Corporeas siquidem Mundi huius  
vicissitudines saniori, quam Geometra ille consilio perpenden-  
tes,

4  
 tes, fluxarum rerum omnium sollicitudinem deposuistis, ac  
 adeo mentem supernis tantum contemplationibus imbuisistis, ut  
 merito nobis omnibus ad altiores cœnobiticas perfectiones ad-  
 discendas, non nisi Vos Insulatos Exploratores, ac Iudices  
 comitia nostra destinauerint. Theologiam etiam à vobis de-  
 spici (quod nollem) haud leviter suspicor, non quod eiusdem  
 præstantissimis doctrinis ingenium vestrum iam diu ornatum  
 esse me lateat, sed quia in hac Exploratione per tot nostra  
 Asceteria probatissime peracta innumeros huius scientiæ, libel-  
 los, quasi in struem Auspicijs vestris traditos esse compertum  
 habeo, ac proinde similia hic quoque vobis asserre Theorema-  
 ta, idem mihi videtur, ac si quis Amicum suum apprehen-  
 sa manu ad illud Convivium traheret, in quo non alium,  
 quàm sapissimè ab eo manducatum, quemque iam nimium  
 fastidit, apponeret cibum. Meticulosam tamen hanc deponere  
 iuvat suspicionem, quandoquidem haud absque temerita-  
 tis nota, quod ceteri omnes ex suo Palladio Lycæo Magistra-  
 tui vestro præstiterunt obsequium, unus Ego non exhibere præ-  
 sumcrem. Nec amplius vereor ne similem Theologicam Sy-  
 nopsim fastidiaric, auream enim Religiosa Sapiencia vestra  
 non ignorat, imò, & frequenter nos docuit sententiam, Di-  
 vina Mysteria, quò sapius audiuntur, eò vehementius ad  
 eadem audienda desiderium provocare. Valete.



# THEOREMAT<sup>5</sup> A

EX TOTA SECVNDA.

THEOLOGIE PARTE.

DE BEATITVDINE SVPERNATVRALI



Beatitudo nostra supernaturalis, quæ necessariò debet esse perpetua, licet de se reddat voluntatem impeccabilem, imò necessitatam etiam quoad exercitium ad amandû Deum, formaliter tamen in solo actu intellectus consistit, per quem clare videtur Deus ut est in se.

II

Qua de re neque per absolutam potentiam præfata visio subsistere posset si unum tantum attributum, vel personam non attingeret.

DE ACTIBVS HVMANIS.

III

Voluntarium, quod est id, cuius principium est intra cum præcognitione finis, & circumstantiarum ita exigit verum actum, ut non possit dari omisso voluntaria absque ullo actu. Per ignorantiam quidem antecedentem tollitur voluntarietas, non autem per concupiscentiam, neque per metum gravem, nisi quod hic illam imminuat. Violentia verò nullo modo actibus elicitis, verè, & directè, sed tantum imperatis accidere potest.

IV

Omnis actus humanus in individuo est determinatè bonus, vel malus moraliter licet autem bonitatem vel malitiam essentialem habeat ex obiecto, si tamen actus aliàs ex illo bonus malitiam habeat ex fine, vel circumstantia aliqua evadit simpliciter malus: dantur insuper circumstantiæ mutantes speciem bonitatis, vel malitiæ moralis.

DE

## DE VITIIS, ET PECCATIS.

## V

**V**itium, de cuius intrinseca ratione est malitia causalis, imò & formalis remota, si sit contra naturam est tantum indirectè oppositum virtuti infuse. Omne peccatum de se est contra legem: differentia post modum inter mortale, & veniale est quia illud tollit ordinem ab ultimo fine, hoc vero circa media. Malitia peccati mortalis etiam in ratione offensæ Dei, non est simpliciter, & intrinsecè infinita. Licet ex pluribus venialibus nequeat fieri unum mortale, bene tamen posterior culpa, quæ de se esset levis propter conjunctionem cum præcedentibus potest evadere gravis.

## VI

**P**rimus Parens in statu innocentiae non potuisset primò peccare venialiter; imò neque in eius posteris peccatum originale potest cum solo veniali reperiri; Non obstante, quod peccatū veniale de se non mereatur nisi poenam temporalem, si tamen reperiatur conjunctum cum mortali puniatur æterna poena in futura vita.

## DE GRATIA DIVINA.

## VII

**P**otuisse homo à Deo creari in statu puræ naturæ æqualiter obnoxius secundum esse reale omnibus defectibus, quibus de facto subiacet ex vi originalis peccati, non autem quoad esse morale, quandoquidem post Adæ peccatum spoliati quidem gratis, in naturalibus autem non nisi extrinsecè tantum vulnerati remansimus: hinc adest in nobis potestas antecedens, & consequens ab opera moraliter bona intra ordinem naturæ etiam ad æmandum Deum ut auctorem naturæ suprac omnia affectu tamen volarico, non inducente diuturnam observantiam omnium mandatorum naturalium in quavis tentatione absque gratia supernaturali per Christum. Creaturam rationalem contra finem tantum naturalem impeccabilem admittimus, simpliciter tamen contra omnem finem etiam supernaturalē implicare sustinemus.

## VIII

## VIII

**P**ro qualibet autem actione quovis modo etiam initiativè, vel dispositivè conducente ad salutem omnino necessaria est gratia supernaturalis quæ inter alias divisiones benè secernitur ex sua intrinseca natura in sufficientem, & efficacem. Gratia denique sanctificans realiter distinguitur ab habitu Charitatis.

## DE IUSTIFICATIONE, ET MERITO.

## IX

**I**ustificatio Impii ita de facto fit per gratiam intrinsecæ inherentem, ut repugnet sine ipsa fieri; verum, quidem est de potentia absoluta iustificari posse adultum absque retractatione suæ gravis culpæ personalis. Quodvis autem peccatum grave semel per iustificationem dimissum nullo modo redire potest.

## X

**V**ere, & proprie potest homo in præsentī statu mereri de condigno vitam æternā, pro hoc tamen præcipuè requiritur, ut operatio proveniat per auxilium gratiæ actualis, hinc nemo potest de condigno sibi mereri primam gratiam. Licet denique iustificatus ad augmentum gratiæ condignum meritum habere possit nullo tamen pacto ad perseverantiam finalem in præsentī saltem ordine loquendo.

## DE VIRTUTIBVS.

## XI

**H**abitus virtutum Theologicarum cum habitu quidem vitii contrarij, non autem cum eiusdem actu est compossibilis. Obiectum materiale fidei non est Deus tantum ut Trinus, & Vnus, sed quodlibet ab ipso obscurè revelatum, quamvis attributionis seu principale utique in ipso Deo sit reponendum, formale autem in divina auctoritate testificante collocamus. Fides denique adeo de suo formali obscuritate involuit ut nullatenus cum evidenti cognitione sive per visionem intuitivam sive per scientiam habita sit compossibilis: & quia etiam summam exigit firmitatem in assensu, opinativi actus consortium essentialiter respuit.

## XII.

XII.

**L**icet revelatio aeternae Damnationis sit impossibilis cum statu viatoris si tamen Deus de sua absoluta potentia illam alicui revelaret, sive eum absolviendo è statu viæ sive ut placet alijs sic absolute, & simpliciter, nullo pacto Revelatarius posset positivè sperare, neque positivè desperare deberet per affectum contemptium divinæ omnipotentis, pietatis, & promissionis, sed tantum negativè,

DE IURE, ET IUSTITIA.

XIII

**I**us proprietatis in genere est libera facultas disponendi circarem, vel personam quoad usus, vel actiones lege non prohibitas, nec legitimè impedibiles ab alijs, hinc Deo ius proprietatis verè competit essentialiter sibi subordinans omnia iura creata. Iustitia, cuius subiectum & sola voluntas, sumpra particulariter ut distincta a Legali non solum à Theologicis, sed a ceteris alijs virtutibus specie discriminatur. Dividitur autem in Distributivam, & Commutativam tamquam in veras sui species, a quibus adequatè etiam ut nova species Iustitia differt Vindictiva.

XIV.

**D**ominium plenè acceptum quamvis soleat à Iuris peritis cum Bartolo definiri in L. si quis ff. de acquirenda possessione ut sit Ius perfectè disponendi de re corporali nisi lege prohibeatur, non inde excluduntur actiones, officia, servitutes, & reliqua, quæ incorporalia in iure appellantur, hæc enim etiam quasi dominio habentur. Ex quo fit non posse esse apud duos pro eodem instanti de eadem re plene & stricte sumptum Dominium. Licitus tandem usus rerum actus consumptibilium vere est separabilis ab omni dominio, & iure proprietatis.

L A V S D E O.

Disputabuntur Publice in Ecclesia S. M. de Florentia, obiectis satisfaciet idem qui supra Assistente P. D. Alpsono à Neapoli ibidem Lectore.

Anno MDCCI. Mense

Die

Hora